



REPUBLIKA E SHQIPËRISË  
**PREFEKTI I QARKUT ELBASAN**  
SEKTORI I ZHVILLIMIT URBAN

Nr. 179/prot.

Elbasan, më 1. 2.2026

Lënda: Konfirmim akti

**KËSHILLIT BASHKIAK LIBRAZHD**

Në zbatim të nenit 16 të Ligjit Nr.107/2016 dt.27.10.2016 “Për Prefektin e Qarkut”, i ndryshuar, pasi u verifikua ligjshmëria e aktit tuaj nr.12 dt.30.01.2026 “Për përcaktimin e rregullave të hollësishme për mënyrën e paraqitjes së aplikimit dhe procedurën administrative për njohjen si posedues jopronar”, konfirmojmë në parim, mbështetjen e tij në ligj.




**PREFEKTI**

**Ilir BEJTJA**

179

DH. 2. 2026



REPUBLIKA E SHQIPËRISË  
BASHKIA LIBRAZHD  
KËSHILLI BASHKIAK

VENDIM

Datë.03.02.2026

Nr. 690 prot

Nr.12 dt.30.01.2026

**PËRCAKTIMIN E RREGULLAVE TË HOLLËSISHME PËR MËNYRËN E  
PARAQITJES SË APLIKIMIT DHE PROCEDURËN ADMINISTRATIVE PËR  
NJOHJEN SI POSEDUES JOPRONAR"**

Mbështetur në ligjin 139/2015 "Për vetëqeverisjen vendore", ligjin nr. 20/2025 "Për paketën e maleve"; ligjit nr. 139/2015 "Për vetëqeverisjen vendore", I ndryshuar si dhe udhëzimit nr. 2, datë 15.10.2025 "Për përcaktimin e rregullave të hollësishme për dokumentacionin dhe procedurën e shpalljes së zones prioritare të zhvillimit në territoret e Bashkive", Këshilli Bashkiak i mbledhur sot me date 30.01.2026 dhe me propozim të Kryetarit të Bashkisë Librazhd.

**VENDOSI:**

1. Miratimin e udhëzimit për përcaktimin e rregullave të hollësishme për mënyrën e paraqitjes së aplikimit/kërkesës dhe procedurën e brendshme administrative që ndiqet nga bashkia për njohjen e poseduesve jo pronarë në zonat e shpallura si zone zhvillimi. *(Bashkëlidhur Udhëzimipërkatës)*
2. Ngarkohet Kryetari i Bashkisë për nënshkrimin e Udhëzimit.
3. Ndjek zbatimin e këtij udhëzimi grupi i punës i përcaktuar me urdhër të Kryetarit të Bashkisë.
4. Ky vendim hyn në fuqi 10(dhjetë) ditë pas shpalljes.

SEKRETAR I KËSHILLIT  
Elson MALLUTA

ZV/KRYETARE E KËSHILLIT  
Silvana HOXHA





REPUBLIKA E SHQIPËRISË  
BASHKIA LIBRAZHD

PROJEKT-VENDIM

Nr \_\_\_\_ Datë \_\_\_\_ . \_\_\_\_ .2026

PËR

**"PËRCAKTIMIN E RREGULLAVE TË HOLLËSISHME PËR MËNYRËN E  
PARAQITJES SË APLIKIMIT DHE PROCEDURËN ADMINISTRATIVE PËR  
NJOHJEN SI POSEDUES JOPRONAR"**

Mbështetur në ligjin 139/2015 "Për vetëqeverisjen vendore", ligjin nr. 20/2025 "Për paketën e maleve"; ligjit nr. 139/2015 "Për vetëqeverisjen vendore", i ndryshuar si dhe udhëzimit nr. 2, datë 15.10.2025 "Për përcaktimin e rregullave të hollësishme për dokumentacionin dhe procedurën e shpalljes së zonës prioritare të zhvillimit në territoret e Bashkive", Këshilli Bashkiak i mbledhur sot me date . . .2026 dhe me propozim të Kryetarit të Bashkisë Librazhd.

TË VENDOSI:

1. Miratimin e udhëzimit për përcaktimin e rregullave të hollësishme për mënyrën e paraqitjes së aplikimit/kërkesës dhe procedurën e brendshme administrative që ndiqet nga bashkia për njohjen e poseduesve jopronarë në zonat e shpallura si zonë zhvillimi. *(Bashkëlidhur Udhëzimi përkatës)*
2. Ngarkohet Kryetari i Bashkisë për nënshkrimin e Udhëzimit.
3. Ndjek zbatimin e këtij udhëzimi grupi i punës i përcaktuar me urdhër të Kryetarit të Bashkisë.
4. Ky Projekt-vendim hyn në fuqi 10(dhjetë) ditë pas shpalljes.

**KRYETARI I BASHKISË**

**Mariglen Disha**



REPUBLIKA E SHQIPËRISË  
BASHKIA LIBRAZHD

Nr. \_\_\_\_\_ Prot.

Datë \_\_\_\_ / \_\_\_\_ /2026

UDHËZIM

Nr. \_\_\_\_\_, datë \_\_\_\_ / \_\_\_\_ /2026

PËR

**"PËRCAKTIMIN E RREGULLAVE TË HOLLËSISHME PËR MËNYRËN E  
PARAQITJES SË APLIKIMIT DHE PROCEDURËN ADMINISTRATIVE PËR  
NJOHJEN SI POSEDUES JOPRONAR"**

Në mbështetje të ligjit nr. 20/2025 "Për paketën e maleve"; ligjit nr. 139/2015 "Për vetëqeverisjen vendore", i ndryshuar si dhe udhëzimit nr. 2, datë 15.10.2025 "Për përcaktimin e rregullave të hollësishme për dokumentacionin dhe procedurën e shpalljes së zonës prioritare të zhvillimit në territoret e Bashkive",

UDHËZOJ:

1. DISPOZITA TË PËRGJITHSHME

1. Objekt i këtij udhëzimi është përcaktimi i rregullave të hollësishme për mënyrën e paraqitjes së aplikimit/kërkesës dhe procedurën e brendshme administrative që ndiqet nga bashkia për njohjen e poseduesve jopronarë në zonat e shpallura si zonë zhvillimi.

2. Ky udhëzues synon të ofrojë udhëzime të qarta dhe të sakta për të gjithë subjektet aplikuese në procesin e paraqitjes të kërkesës për njohjen e tyre si posedues jopronar.

3. Bashkia Librazhd ka si objektiv të saj kryerjen e procedurave administrative në njohjen e subjekteve kërkuese si posedues jopronar në përputhje me parashikimet ligjore të legjisllacionit dhe ato që parashikohen në këtë udhëzim duke u udhëhequr nga: parimi i ligjshmërisë, transparencës; objektivitetit dhe i efijencës.

II. PARAQITJA E KËRKESËS

1. Për çdo zonë zhvillimi të shpallur ngrihet grupi teknik i punës, përbërja dhe afati i veprimtarisë së të cilës miratohet me urdhër të Kryetarit të Bashkisë. Grupi i punës do të

ndjek të gjithë procesin administrativ, nga paraqitja e kërkesës deri në njohjen e subjektit kërkuar si "posedues jopronar".

2. Grupi i punës ngrihet në varësi të rrethanave të posaçme të secilës zonë të aplikuar.
3. Subjekti paraqet kërkesën e argumentuar me shkrim nëpërmjet aplikimit online në zërin e dedikuar për këtë qëllim, në portalin e-albania. Kërkesa duhet të shoqërohet me plan rilevimi të sipërfaqes së poseduar, të hartuar nga një ekspert gjeodet i licencuar.
4. Kërkesa duhet të shoqërohet me një ose më shumë nga dokumentet e mëposhtme:
  - a. Dokumentacion tatimor që vërteton ushtrimin e aktivitetit ekonomik mbi pasurinë;
  - b. Fatura të shërbimeve të lidhura me pasurinë si: pagesat për energjinë elektrike, ujë etj.;
  - c. Deklarata/dëshmi të banorëve dhe autoriteteve vendore që vërtetojnë përdorimin e vazhdueshëm dhe të pandërprerë prej të paktën 10 (dhjetë) vitesh;
  - d. Fotografji, ortofoto ose prova të tjera material që vërtetojnë posedimin;
  - e. Çdo dokument tjetër i cili provon lidhjen e subjektit aplikues me pasurinë.
5. Mungesa e dokumentacionit provues nuk përbën shkak për refuzim, rrëzim të kërkesës apo pezullim të procedurës administrative të njohjes së subjektit kërkuar si "posedues jopronar".

### III. PROCEDURAT E VERIFIKIMIT DHE SHQYRTIMIT TË KËRKESËS

1. Pas regjistrimit të kërkesës grupi i punës kryen verifikimin e dokumentacionit të paraqitur në çdo element të tij.
2. Në rast të mungesave të provave shkresore, grupi realizon verifikimin në terren përmes inspektimeve dhe marrjes së deklaratave/dëshmimeve nga banorë të zones dhe mban një procesverbal për këtë qëllim.
3. Procesverbali i hartuar nga grupi i punës në kuadër të verifikimit që ai kryen në terren përfshin të dhëna mbi:
  - a. Përputhshmërinë e sipërfaqes së rilevuar me gjendjen faktike;
  - b. Posedimin e vazhdueshëm dhe të pandërprerë prej të paktën 10 (dhjetë) vitesh të pasurisë;
  - c. Mungesën e pretendimeve nga të tretët mbi sipërfaqen e kërkuar;
  - d. Informacion mbi gjendjen juridike të pasurisë në bashkëpunim me ASHK, ATP;
  - e. Informacion për kriteret lidhur me pronën.
4. Nëse pas administrimit të kërkesës dhe verifikimit të kushteve të lidhura me pronën dhe me subjektin kërkuar konstatohet se nuk përmbushen një ose disa kriteret sipas shkronjës 'c' neni 3 dhe neni 8 të ligjit 20/2025, bashkia njofton subjektin kërkuar duke e informuar atë për pamundësinë e vijimit të procedurës për njohjen e tij si "posedues jopronar" sipas kuptimit të ligjit.
5. Nëse pas verifikimit konstatohet se vetëm një pjesë e sipërfaqes së aplikuar përmbush kushtet e parashikuara sipas ligjit 20/2025 atëherë kërkohet dakordësia e subjektit kërkuar për

vijimin e procedurës për këtë sipërfaqe. Nëse subjekti nuk shprehet brenda periudhës kohore 30 (tridhjetë) ditore, atëherë prezumohet refuzimi i tij për vijimin e procedurës për sipërfaqen e mbetur.

4. Bashkia afishon kërkesën për pasuritë apo pjesët të cilat përmbushin kriteret, në ambientet e saj, në një mjedis tjetër publik brenda territorit të zonës dhe në faqen zyrtare të saj për një periudh kohore prej 45 (dyzetë e pesë) ditësh.

5. Afishimi duhet të jetë i shoqëruar më listën e subjekteve aplikuese dhe sipërfaqet respektive, të shoqëruara me përshkrimin e vendodhjes së tyre dhe planin e rievimit.

6. Nëse gjatë afishimit publik paraqiten pretendime nga të tretët, bashkia informon subjektin kërkues për pamundësinë e vijimit të procedurës. Nëse pretendimet lidhen vetëm me një pjesë të sipërfaqes, kërkohet shprehja e dakordësisë së subjektit kërkues brenda 30 (tridhjetë) ditëve për vijimin e procedurës për pjesën e mbetur të saj.

#### IV. MIRATIMI I KËRKESËS DHE NJOHJA E POSEDUESIT JOPRONAR

1. Pas përfundimit të afatit të njoftimit përmes afishimit publik, grupi i punës:

a. Harton listën përfundimtare të subjekteve që kanë paraqitur kërkesë për njohje si posedues jopronar, si dhe planin e rievimit për sipërfaqet përkatëse;

b. Paraqet dokumentacionin përkatës për miratim pranë Këshillit Bashkiak, brenda 30 (tridhjetë) ditëve nga data e përfundimit të njoftimit publik;

c. Këshilli bashkiak shqyrton dhe miraton listën e propozuar brenda 20 (njëzetë) ditëve nga marrja e dokumentacionit;

d. Pas miratimit të listës së poseduesve jopronarë, bashkia ose poseduesi jopronar paraqet kërkesën pranë ASHK dega vendore për pasqyrimin e poseduesit jopronar në kartelën e pasurisë përkatëse.

#### V. DISPOZITA TË FUNDIT

1. Ky udhëzim hyn në fuqi menjëherë pas nënshkrimit nga Kryetari i Bashkisë.

2. Ky udhëzim publikohet në faqen zyrtare të bashkisë.

**Kryetari i Bashkisë**

**Mariglen Disha**

P